



乾  
隆  
府  
廳  
州  
縣  
圖  
志

雲南

ル 5  
1353  
18







雲南全圖

統計十四府三屬四直隸州

雲南府 昆明 富民 宜良 羅次 晉寧州 嵩明州 呈貢 曲靖  
安寧州 富民 宜良 羅次 晉寧州 嵩明州 呈貢 曲靖  
陸涼州 平彝 宣威 臨安府 屏水 廣南  
尋甸州 通海 河西 澂江府 興州 路南 永善 廣南  
蒙自 又五長官司 會澤 昭通府 恩安 鎮雄 浪穹 普洱  
寶甯 開化府 文山 東川府 雲南 昭通府 恩安 鎮雄 浪穹 普洱  
普洱 大理府 賓川 趙州 雲龍州 又長官司 騰越 景東  
楚雄 鎮南州 姚州 順甯府 麗江府 又安撫司 三宣  
撫司 長官司 順甯府 麗江府 又安撫司 三宣  
土府 蒙化廳 永北廳 廣西州 武定州 元謀 景東  
廳 蒙化廳 永北廳 廣西州 武定州 元謀 景東  
元江州 新平 鎮沅州 恩樂



卓隨所屬州縣圖志卷

雲南境衆水歸合表

灑水	無量河	蘇溪	永平河	橋水
若水	枯木河	漾濞江	順甸河	楊宗海
甲水	三道河	羅梭江	順甸河	白龍潭
青龍水	芒且河	刺弄江	巴景河	仙湖水
滇池水	大羅河	沙木河	康郎河	分水嶺
鴉龍江	大姚河	又馬龍江流至	又馬龍江流至	小山河
漾共江	龍川江	交趾入南海龍	川江積桐江皆	樂蒙河
龍川江	又河底江等水	西南入緬國界		清水河
並入安南國界				九龍河

金沙江

卽古繩若水所會  
又名神川又名麗  
水一名瀘水入四  
川境爲馬湖江

瀾滄江

本名蘭倉水一名  
黑水下至安南國  
入海

潞江

一名怒江下  
入阿瓦國界

溫水

一名八達河  
下流名盤江

乾隆府廳州縣圖志卷四十五

賜進士及第翰林院編修充 國史館纂修官 臣洪亮吉撰

雲南布政使司

雲南府 衝繁疲難

原額軍民人丁共二萬六千七百九十  
四又滋生人丁共七千八百二十四

禹貢梁州荒裔戰國時爲滇國漢元封二年開置益州郡治滇  
池縣三國漢建興改爲建甯郡晉泰始七年分置甯州太安二  
年復增置益州郡永嘉二年改爲晉甯郡梁陳入于蠻蠻隋初  
立昆州尋廢唐武德元年復昆州貞觀六年屬戎州都督府天  
寶末爲南詔蒙氏所據置善闡府歷五代及宋爲大理國段氏  
地元憲宗五年置鄯闡萬戶府至元十三年改爲中慶路雲南  
中書行省治焉明洪武十五年改曰雲南府爲布政使司治

本朝因之為總督雲南貴州部院巡撫部院布政使司按察使  
司治所糧儲道鹽法道並駐此通判分駐南關

府境 東西距三百七十里 南北距二百九十八里  
東至徽江府路州界一百二十五里  
西至楚雄府廣通縣界一百四十五里  
南至徽江府新興州界一百四十五里  
北至曲靖府尋甸州界一百四十二里  
東南至徽江府河陽縣界八十四里  
西南至楚雄府南安州界四百二十二里  
東北至尋甸州界二百三十里  
西北至武定州舊和曲界一百六十里  
自府治至京師八千二百里

土貢 鐵 鹽 烏帕 布 太華茶 拐棗 巨竹 牛黃  
銀硃 鉛粉 黃丹 芸香草 鏡面草 金錢魚

管縣七州四 昆明 富民 宜良 羅次 晉甯州 呈貢 安甯  
州 祿豐 昆陽州 易門 嵩明州

昆明縣 衝繁疲難郭下 有寶滇錢局板橋滇陽二驛

漢置建伶縣屬益州郡晉為晉甯郡治梁後沒于蠻隋屬昆州  
唐置益甯縣為昆州治天寶中沒于南詔五代石晉後又為段  
氏所據元憲宗四年立昆明千戶至元十三年置善州並置昆  
明縣尋廢州以縣為中慶路治明為雲南府治

金馬山在縣東二十五里西對碧鷄山相距五十餘里其中即  
滇池漢宣帝遣諫大夫王褒至益州祀金馬碧鷄之神即此漢  
書注如淳曰金形似馬碧形似鷄

滇池在縣南及呈貢晉甯昆陽三州縣界亦曰昆明池史記楚  
威王時將軍莊躋至滇池地方三百里旁平地肥饒數千里班  
固云滇池縣滇池澤在西北有黑水祠元史昆明池五百餘里  
夏潦必冒城郭張立道為大理等處勸農使求泉源所自出洩

其水得地萬餘頃皆為良田又盤龍江在縣東五里滇池之上源

漢穀昌故城在縣北建伶故城在府治西北隋廢昆州在縣西元官渡廢縣在縣東南

富民縣 簡東南至府七十里

漢置秦臧縣屬益州郡晉屬晉寧郡梁後沒于蠻唐復置秦臧縣屬昆州天寶後又沒于蠻號黎瀆甸元至元四年立黎囊千戶十三年改置富民縣

堂狼川在縣東即安甯河滇池之下流晉書李驥等寇甯州王遜使姚岳爨琛拒之戰于堂狼大破驥等

秦臧故城在縣境

空良縣 繁西至府一百二十里

漢滇池縣地唐為昆州地後蠻酋羅氏築城于此號羅哀龍元憲宗六年立大池千戶至元十三年升空良州治大池縣二十二年罷州為縣省大池入之

大池江在縣南八十里大赤江在縣北五里東流注大池江

大池廢縣在縣東元大赤廢縣在縣西

羅次縣 簡東南至府一百三十里

漢益州郡地唐時為烏蠻羅部所居南詔蒙氏為扶邪縣宋時大理高量成令高連慶治其地元至元十三年置羅次州二十四年改州為縣二十七年屬安甯州明宏治十二年改屬雲南府

星宿江源出縣北二十五里百花山與和曲分界處

羅部城在縣南二十五里扶邪城在縣境

晉寧州

繁難北至府九十里

漢滇池縣為益州郡治晉屬晉寧郡梁後沒于蠻隋開皇中置  
昆州尋廢唐武德初復置晉寧縣天寶後入于蒙氏為陽城堡  
部段氏因之元憲宗七年立陽城堡萬戶至元十二年改為晉  
寧州

滇池故城在州東元大甫廢縣在州南二十里

古土城在州西北

呈貢縣

難北至府四十里

漢滇池縣地有呈貢故城世為芨莫強宗部蠻所居元憲宗六  
年立呈貢千戶至元十三年置呈貢縣

元歸化故城在縣東南本朝康熙八年省縣入呈貢

安寧州

衝繁東至府七十里

有陸表安寧二驛

漢置連然縣屬益州郡晉屬晉寧郡梁後沒于蠻隋為昆池地  
唐武德初改置安寧縣後為烏白蠻遷居元憲宗七年隸陽城  
堡萬戶府至元三年立安寧千戶十二年改為安寧州

州故城在州治南明萬歷四年移今治江東廢縣在州東南  
鹽井在州西有大井石井河中井大界井新井並產鹽班固云  
連然有鹽官是也

祿豐縣

衝東南至府二百十里

有祿豐驛

唐安寧縣地後為烏雜蠻所居宋時大理高智昇令子義勝治  
其地元初隸安寧千戶至元十三年始置祿豐縣屬安寧州明  
屬雲南府

昆陽州

疲難北至府一百二十里

唐昆州地天寶後為南詔所據曲縛蠻居之段氏時隸善闡元

時立巨橋萬戶至元十三年改為昆陽州

元三泊故城在州西北康熙八年省縣入州雍正三年又以三泊故地改入安甯州河西廢縣在河西鄉

巨橋城在州境華納城在州西北鐵冶所在州南二十里產鐵易門縣簡東北至府二百五十里

漢益州郡地後為烏蠻所居宋時段氏使高福世守其地元至元四年立洩門千戶所隸巨橋萬戶十三年改為易門縣隸昆陽州明屬雲南府

縣故城在今縣南三十里

嵩明州衡難西南至府一百三十里有楊林驛

漢益州郡地後為蠻所據名其地曰嵩明蒙氏改為嵩盟部元憲宗六年立嵩明萬戶府至元十三年改為長州十五年升為

嵩明府二十二年復改為嵩明州

元楊林故城在州南三十五里邵甸故縣在州西十里

曲靖府衝繁疲難

原額軍民人丁共一萬五千一百五十二滋生人丁共三千九百五十

晉以前同雲南府齊改建甯郡曰左建平郡梁末甯州及郡俱廢隋置恭州協州地唐武德初開置南甯州四年置總管府八年更名郎州開元五年復故名曰南甯州隸戎州都督府天寶末沒于蒙氏宋時段氏因之後為摩彌部所據元初內附置摩彌部萬戶至元八年改為中路十三年改曲靖路總管府二十五年升為宣撫司明洪武中改為曲靖軍民府

本朝因之乾隆中為曲靖府分巡迤東道駐此

府境東西距三百九十里南北距六百二十里



八到

東至貴州普安州界一百七十里  
西至雲南府嵩明州界二百二十里  
南至廣西州界一百七十里  
北至貴州威寧州界四百五十里  
東南至普安州界二百五十八里  
西南至潯江府路南州界一百三十里  
東北至威寧州界二百七十里  
西北至武定州祿勸縣界四百六十七里  
自府治至京師七千九百里

土貢

鐵 石綠 棉花

管縣二州六

南甯 霑益州 陸涼州 馬龍州 羅平州 尋甸

州 平彝 宣威州

南甯縣

衝難郭下

有泉開驛巡檢一駐白水

漢置味縣屬益州郡三國漢為建甯郡治晉分置同樂縣齊以同樂縣為郡治味縣屬焉梁末入于蠻唐復置味縣為南甯州

治天寶末入于蠻蒙氏改置石城郡宋時段氏據之後又為烏

蠻摩彌部據此元初置千戶隸摩彌部萬戶府至元中升為南

甯州二十二年改為南甯縣明省越州石堡山之地入之

温水今名南盤江上流為八達河源出霑益州花山洞南流入

縣東北為瀟湘江又南至陸涼州匯為中延澤折西為大赤江

下流至廣西南甯府境合鬱水班固云温水東至廣鬱入鬱過

郡二行五百八十里

縣故城在今縣西十五里平川中唐石城故城在縣北二十里

五代晉天福二年南詔為楊于貞所篡其故臣段思恭借兵東

方諸爨起兵石城今城北有一碑乃段氏與三十七部立盟之

所又元越州故城在縣東南十五里南城村霑益故城在縣東

北二百十三里漢平夷廢縣在縣境蜀志章武元年以李恢為

康降都督使持節領交州刺史住平夷縣晉永嘉五年甯州刺史王遜分牂柯朱提建寧立平夷郡

霑益州 衝繁難南至府三十里 有松林炎方二驛巡檢駐

漢宛溫縣地三國漢屬興古郡晉為宛暖縣地唐初置西平州

貞觀中改為盤州天寶末入于蠻焚刺二種居之後又為摩彌

部所據元初隸摩彌萬戶府至元中改置霑益州領交水石梁

羅山三縣隸曲靖路明永樂初省三縣入州隸曲靖府

石梁故城在州東北五十里石梁山羅山故城在州東南一百

二十里平夷鄉

陸涼州 疲難北至府一百二十里

漢平夷縣地三國漢屬興古郡晉置同樂縣唐初復置平夷縣

天寶末入于蠻南詔時號落溫部元初置落溫千戶屬落蒙萬

戶府至元中改置陸涼州領河納芳華二縣隸曲靖路明洪武

三十一年增置陸涼衛永樂初省二縣入州屬曲靖府

本朝康熙六年裁衛入州

州故城在今州東北二十五里康熙六年移州治于衛所河納

廢縣在州南八十里芳華廢縣在州西四十里

蕎甸在州西南與澱江雲南二府接明萬曆中設兵戍守

馬龍州 衝難東北至府五十里

漢律高縣地三國漢為興古郡地晉析置西安縣齊為西中縣

梁末廢唐為麻州地天寶末沒于蠻為撒匡部焚刺居之尋為

磐瓠蠻納垢所據元初置納垢千戶至元中改為馬龍州領通

泉縣隸曲靖路明永樂初省通泉縣入焉

通泉故城在州西南四十里

羅平州

難西北至府二百七十里

有多羅驛

漢漏臥宛溫二縣地三國漢為興古郡地唐天寶後入于蠻名塔嫩納夷甸尋為羅雄部元初內附隸普摩千戶至元中割夜苴部併入改為羅雄州隸曲靖路明萬歷十四年改土設流為羅平州康熙八年省亦佐縣入州

白蠟山在州西南十三里蒙氏封為安邊景帝之神至今祀之元亦佐故縣在縣境本蠻中夜苴部後譌曰亦佐

尋甸州

衝難東至府一百三十里

有易龍驛

漢滇國地後爨刺蠻居此號仲扎溢原部晉為烏蠻之裔號新丁部唐蒙氏時為仁地部烏蠻居此宋時段氏因之元初置仁地萬戶府至元十三年改為仁德府領為美歸厚二縣明洪武中改尋甸軍民府省二縣入焉成化中改設流官為尋甸府

本朝康熙八年降為州

三稜山在州西六十里上有九十九泉俱入昆明縣為盤龍江上源

仁德府故址在州城東五里歸厚故城在州西一百三十里為美故城在州北三里

平彝縣

衝繁難西南至府九十里

漢平夷縣晉改曰平蠻屬平蠻郡梁以後郡縣皆廢唐武德七年復置平夷縣屬盤州天寶後入于蠻元為普安路地明洪武十四年設平夷千戶所二十三年升為平夷衛

本朝康熙二十六年省入霑益州三十四年改為平彝縣

宣威州

疲難西南至府二百三十里

有巡檢駐可渡

漢牂柯郡地三國漢屬興古郡唐屬盤州後入于蠻元置霑益

州明初設烏撒衛後三所後改爲霑益州

本朝雍正五年割霑益新化里至高坡頂設宣威州屬曲靖府可渡河在州北一百二十里爲雲南貴州交界川陝入滇皆由于此

臨安府 繁疲艱

原額軍民人丁共一萬九千九百一十四滋生人丁共六千六百六十四

禹貢梁州荒裔古句町國漢武帝開西南夷置句町縣屬牂柯郡三國漢屬興古郡梁末廢唐武德七年置南龍州貞觀中更名鉤州隸戎州都督府天寶末沒于南詔蒙氏置通海郡都督府段氏改爲通海節度尋改秀山郡後復名通海阿契部蠻居之元憲宗六年內附置阿契部萬戶府至元八年改爲南路十年三年又改爲臨安路明洪武十六年改爲臨安府

府境

八到

東	西	南	北	東	西	南	北
至開化府界三百二十里	至元江州界二百五十里	至交趾界二百五十里	至潞江府江川縣界二百二十里	至開化府界三百二十里	至元江州界二百五十里	至交趾界二百五十里	至潞江府江川縣界二百二十里
東南至開化府界三百七十五里	西南至元江州界二百九十里	東北至廣西州彌勒縣界三百四十里	西北至元江州新平縣界三百六十里	自府治至京師一萬九百九十里			

土貢

管縣五州三長官司五

建水 石屏州 阿迷州 甯州 通海 河西 嶺

峩 蒙自 虧容甸長官司 納樓茶甸長官司 落

恐甸長官司 左能寨長官司 思陀甸長官司

建水縣

繁疲郭下

有曲江驛巡檢駐

漢賁古縣地唐時烏麼蠻地元和間蒙氏築城名惠劇漢語曰  
建水段氏時爲步步蓋夜字之譌麼徒蠻所據元初內附置建水千戶  
屬阿夔萬戶至元十三年改建水州明爲臨安府治  
本朝乾隆中降爲縣

惠劇故城在縣西半里明洪武中移今治曲江故城在縣北臨  
曲江段氏故城有二一在縣南五里瀘江鄉一在縣西一里蓮  
花池明甯遠故城在縣西南一百里賁古廢縣在縣東南劉昭  
云賁古采山出銅錫羊山出銀鉛

石屏州

難東至府八十里

有寶秀驛

漢益州郡地蠻曰舊欣漢言林麓唐時烏麼蠻居之段氏時阿  
夔蠻奪據闢地得石坪聚爲居邑因名焉元至元七年改邑爲  
州隸臨安路明洪武十五年改曰石屏州

末束城在州東異龍湖三島山

阿迷州

簡西北至府一百二十里

漢益州郡地元初爲阿甯萬戶府阿甯古蠻名後訛阿迷至元  
初隸南路總管府大德中隸臨安路明洪武十五年置阿迷州  
交岡在州南其地東西綿亘與交趾分界交趾亦置戍于此相  
近有地名南外亦交趾分界

樂蒙河在州東其上源卽瀘江也

楊廣城在州東南二里通安橋又合江口寨在州東儂智高敗  
從此遁入大理

甯州

簡西南至府二百五十里

唐武德七年析南甯州地置西甯州貞觀八年改黎州天寶末  
沒于蠻尋屬巽部元初置甯部萬戶後改甯海府至元十三年

改甯州隸臨安路

州故城在今州境元西沙故城在州東圖經州又有黎州故城  
通海縣 難西南至府一百五十里 有通海驛

漢句町縣地三國漢屬興古郡唐置通海鎮後為阿契蠻所居  
蒙氏于此置通海郡段氏時為秀山郡尋復為通海郡元初立  
通海千戶隸鄯闡萬戶至元十三年改通海縣隸甯海府二十  
七年隸臨安路後又改隸甯州明屬臨安府

秀山在縣南六十里宋開禧元年段氏就秀山建啓祥宮山下  
有通海湖新唐書謂之海河利水周八十里

縣故城在今縣東北五里

河西縣 簡東南至府一百八十里

漢益州郡地唐初置河西縣隸西宗州天寶後沒于蠻後阿契

蠻奪而居之名休臘部元憲宗六年內附至元十三年置河西  
州隸臨安路二十六年改為縣

縣故城在今縣境凡三一在縣東北一里一在縣西北三里一  
在縣東三十里

嘗我縣 難東至府二百六十里

漢益州郡地唐時為嘗倪蠻所居名嘗我部後并于阿契元初  
內附置嘗我千戶隸阿契萬戶至元十三年改為嘗我州二十  
六年降為縣隸臨安路後改隸甯州明初改屬臨安府圖經嘗  
山在縣東峩山在縣南故名

曲江在縣北自澂江府新興州流入有一水白石屏州南來會  
之名合流江

元筇川故城在縣西北九十里

蒙自縣

繁西北至府一百五十里

漢益州郡地白蠻居之以目則山而名譌為蒙自南詔時以趙氏鎮守至段氏為阿曩所有元憲宗七年置蒙自千戶隸阿曩萬戶至元十三年改為蒙自縣隸臨安路

麒麟山在縣東二十里與縣西北象鼻山相接左右前後產銀錫諸礦每歲課有定額而礦多盈縮又西溪在縣南一出銀礦一出錫礦蓮花灘在縣南為人安南道明永樂初沐晟出蒙自縣蓮花灘進討安南圖經由蓮花灘達安南東都可四五日虧容甸長官司 東北至府一百四十里

本元虧容甸部明改置長官司

納樓茶甸長官司 東北至府一百八十里

元置千戶明改置長官司

落恐甸長官司 東北至府二百里

元置萬戶明改置長官司

左能寨長官司 東北至府二百三十里

明置

思佗甸長官司 東北至府二百五十里

元置和泥路明改置長官司

澂江府 簡

原額軍民人丁共八千四百三十三

禹貢梁州荒裔戰國時為滇國地漢置俞元縣屬益州郡三國漢屬建寧郡齊為建平晉寧二郡地梁屬南寧州隋屬昆州唐武德元年隸戎州都督府貞觀八年更名黎州天寶末入于蠻後南詔取其地置河陽郡宋段氏時為羅迦郡元初內附置羅

迦萬戶府至元三年改爲中路十六年升爲澂江路明洪武十五年改爲澂江府

府境 東西距二百三十六里 南北距一百七十五里

八到 東至廣西州彌勒縣界二百里 西至雲南府晉寧州界三十六里 南至臨安府寧州界一百二十里 北至雲南府呈貢縣界五十五里 東南至彌勒縣界二百五十三里 西南至臨安府峇峇縣界二百一十五里 東北至雲南府宜良縣界七十里 西北至呈貢縣界一百三十里 自府治至京師八千三百二十里

土貢 鮓 鮓鮮魚 青魚膽 仙茅 蔓胡桃

管縣二州二

河陽 江川 新興州 路南州

河陽縣 繁渡郭下

元至元中改羅伽千戶爲河陽州尋降爲縣屬澂江路

羅藏山在縣北十里郡國志俞元共山出銅卽此裝後誤爲藏又蠻語虎柵爲羅藏昔有虎自碧雞渡滇池至此土人造柵取之故名

橋水今名鐵赤河在縣東二十里班固云俞元縣池在南橋水所出東至毋單入溫行千九百里鄴道元云橋水上承俞元之南池一名河水按南池鐵赤聲之轉又撫仙湖在縣南十里東流注鐵赤河

縣故城在今縣東明隆慶四年移今治元陽宗故城在縣東北四十里明湖之南西古故城在縣西四里俞元廢縣唐梁水廢縣並在縣境

江川縣 簡東北至府九十里 有江川驛



本漢益州郡地名碌雲異城蠻名易籠唐初置絳縣南詔徙曲  
旺蠻于此以白蠻守治之後麼脩蠻裔居此宋段氏時名步雄  
部元初置千戶至元中改為江川州尋降為縣屬澂江路  
絳縣故城在縣境

部椿城在縣北二十里元置雙龍縣于此後省入江川今為雙  
龍鄉

新興州 繁東至府一百二十里

漢益州郡地晉置新興縣屬建寧郡齊屬建平郡梁末土酋爨  
瓚居之分為西爨地唐貞觀中置求州屬戎州都督府蒙氏改  
為溫富州宋段氏時麼些蠻據其地號休制部元初置千戶至  
元中改為新興州隸澂江路

元研和故城在州南三十里又西十里有畔龍城元置縣後省  
入研和普舍故城在州北二十五里

路南州 渡西至府一百三十里 有和廣驛

漢益州郡地蜀漢為建寧郡地唐屬昆州蠻名路甸天寶末為  
黑爨蠻落蒙所據號落蒙部元初置落蒙萬戶府至元十三年  
改為路南州屬澂江路

元彌沙故城在州東南邑市故城在州東北八十里

廣南府 要

並係蠻戶尚未編丁

禹貢梁州荒裔漢牂柯郡地宋時名特磨道元至元中立廣南  
西路宣撫司明洪武中改置廣南府

本朝因之經歷駐土富州

府境 東西距七百二十里  
南北距四百三十里

八到

東至廣西土田州界四百二十里  
西至開化府廣西州界三百里  
南至交趾界二百九十里  
北至廣西西林縣界一百四十里  
東南至廣西鎮安府界二百九十里  
西南至臨安府阿迷州界四百里  
東北至廣西隆州界二百十里  
西北至廣西州彌勒縣界三百里  
自府治至京師一萬一千四百三十里

土貢

雲竹 千章紙 草果

管縣一

寶甯

寶甯縣

要郭下

元以前與府同

本朝順治十六年改設流官乾隆元年增置寶甯縣

元富州故城在縣東二百六十五里

本朝乾隆元年廢入寶甯安甯廢州在縣境元至元閒置廣

南西路宣撫司領路城安甯上林羅佐富五州明初安甯羅佐

並省羅佐廢州亦在縣境

開化府

要

並繫蠻戶尙未編丁

禹貢梁州荒裔漢為句町國地唐初屬越巂郡後沒于南詔為  
強見牙車教化三部宋為段氏所據元為強見三部明初改強  
見三部為教化三部隸臨安府

本朝康熙六年以教化王弄安南三長官司地置開化府分防

同知駐接壤

府境

八到

東西距一千一百四十五里  
南北距四百二十里  
東至交趾界四百六十里  
西至臨安府建水縣界六百八十五里

南至交趾界二百四十里  
北至廣南府界一百八十里  
東南至交趾界二百三十里  
西南至交趾界一百一十里  
東北至廣南府界二百二十里  
西北至臨安府阿迷州界一百八十里  
自府治至京師一萬二千五百里

土貢

馬全囊 枕榔 鱗蛇膽

管縣一

文山

文山縣 要郭下

與府同置以縣東文山為名

牛羊箐在縣南圖經自三關而南即抵牛羊箐與交趾接壤也

東川府 要

並繫蠻戶尚未編丁

禹貢梁州荒裔漢置堂琅縣屬犍為郡蜀漢改立朱提郡宋齊後入于蠻唐時屬南詔宋段氏時置東川郡大都督後烏蠻闕畔據之號闕畔部元初內附置萬戶府至元中改闕畔軍民總管府隸烏蒙等處宣慰司二十八年改東川路明洪武十四年開置東川土府屬雲南十六年改隸四川為東川軍民府本朝雍正四年隸雲南乾隆廿九年為東川府經歷駐巧家營

府境

八到

東西距五百里  
南北距四百二十里  
東至貴州威寧州界二百里  
西至四川寧遠府界三百里  
南至曲靖府尋甸州界二百六十里  
北至昭通府界一百六十里  
東南至曲靖府宣威州界一百三十里  
西南至武定州祿勸縣界二百五十里  
東北至威寧州界一百七十里  
西北至四川會理州界四百五十里  
自府治至京師九千七百九十里

土貢

菊花菱

法落梅

鷓鴣雞

管縣一

會澤

會澤縣

要郭下

有巡檢二駐則補歹補

與府同置

金沙江在縣西百五十里自四川會川衛流入又東北入昭通府界即古繩若水酈道元云若水東南流鮮水注之一名州江大度水出徼外至旄牛道南流入若水又逕越篤大作縣入繩東川故城在縣境圖經初府治在馬鞍山後尋移治萬額山南堂琅廢縣在縣境

昭通府

要

並繫蠻戶尙未編丁

禹貢梁州荒裔周名寶地甸漢為牂柯郡地唐為烏蒙部蠻所據元初內附至元中置烏撒路二十四年置烏撒烏蒙宣慰司明洪武中改為烏蒙府屬四川

本朝雍正五年改隸雲南九年改曰昭通府分防同知駐大關南距府百八十里通判駐魯甸東北距府四十里各轄巡檢一

府境

八到

東至貴州威寧州界九十里	西至四川寧遠府界四百里	南至四川馬湖府界五百里	北至四川威寧州界四百里	東南至威寧州界九十里	西南至會理州界九十里	東北至四川雷波縣界五百里	西北至四川雷波縣界四百里	自府治至京師九千八百里
-------------	-------------	-------------	-------------	------------	------------	--------------	--------------	-------------

土貢

節竹一方竹

管縣二州一

恩安 永善 鎮雄州

恩安縣 簡郭下

本朝雍正六年置

金沙江在縣西北自東川府流入逕永善縣城西又東北入四川雷波廳界酈道元云繩水自合卑水又東北至朱提縣西為瀘江水

烏蒙土城在縣東二十里又小烏蒙城在縣北七十里

永善縣 簡東南至府二百三十里 有縣丞駐副官村

舊為米貼寨土酋世據其地元屬烏撒路明屬烏蒙府

本朝雍正六年置縣

鎮雄州 要西至府三百四十里 有州同分駐彝民州判駐威信巡檢駐母亨

周為烏蒙子苾部居此漢屬牂柯郡唐宋為烏蒙所據元至元中置苾部落屬烏撒烏蒙宣慰司明設苾部府尋升苾部軍民府屬四川

本朝雍正五年改隸雲南六年降為州屬昭通府

八匡河在州西八十里源出烏撒界滙州境諸水下流至四川

敘州府入大江

鹽井有二皆在州北一百八十里

苾部城在州西南七里

普涓府 要

新設尚未編丁

禹貢梁州荒裔本古產里地倭泥貂獫諸蠻雜居之自漢及五代唐宋以來不通中國元世祖時伐交趾經所部降之大德中

置撒里路軍民總管府領六甸明洪武十四年開滇土酋那直率眾來歸置車里宣慰司屬元江府後為那昆所據

本朝順治十六年平雲南編隸元江府至雍正七年分車里宣慰所轄江內六版納地置普洱府以府境普洱山得名分巡迤

南道駐此分防同知二一駐思茅北距府一百二十里一駐威遠東距府二百三十里通判駐他郎南距府一百二十里

府境  
東距四百三十里  
南距一千二百四十里  
東至元江州界二百五十里  
西至順寧州界三百五十里  
南至阿反州界一千五百里  
北至鎮沅州界一千九十里  
東南至老撾南掌界一千四百一十里  
西南至馬緬界一千三百里  
東北至元江州界二百五十里  
西北至景東廳界一百四十里  
自府治至京師九千四百五十里

八到

土貢 石青 神黃豆

管縣一

普洱 普洱縣 簡郭下

雍正十三年置縣為府治  
大川原在縣境圖經自光山行二日至大川原廣可千里蠻人

象象于此  
鹽井有二雍正七年設鹽課大使二員一駐猛烏兼管烏得鹽

井一駐整董兼管磨者鹽井又威遠廳有校板抱母二鹽井有抱母井鹽課大使

大理府 衝繁

原額軍民人丁共五萬二千四百一十一  
滋生不加賦丁共一萬三千六百六十二

禹貢梁州荒裔漢益州郡地後漢永昌郡地三國漢雲南郡地  
晉永嘉五年分置東河陽郡梁末入于蠻唐永徽中屬姚州天  
寶以後為南詔蒙氏所據偽號大蒙國治羊苴咩城謂之西京  
後又改為中都號大禮國其後鄭趙楊三氏互相篡奪五代晉  
時段思平更號大理國元憲宗三年收附六年立上下二萬戶  
至元七年併置大理路兼置軍民總管府又置大理金齒等處  
宣慰司都元帥府治洪武十五年改為大理府

十里

府境

八到

東西距九百六十里  
南北距一百九十里  
東至楚雄府姚州界二百八十里  
西至永昌府保山縣界六百八十里  
南至蒙化廳界七十里  
北至麗江府鶴慶州界一百二十里

東南至蒙化廳界一百三十里  
西南至永昌府界一百五十里  
東北至永北廳界四百一十里  
西北至麗江府界六百二十八里  
自府治至京師一萬一千四百五十里

土貢

鹽 點蒼石 墨 扶留 蒟醬 自然銅 甲 工

管縣三州四長官司一

太和 趙州 雲南 鄧川州 浪穹 賓川州 雲

龍州 十二關長官司

太和縣 衝繁郭下

漢置葉榆縣屬益州郡後漢曰楛榆縣屬永昌郡三國屬雲南  
郡晉永嘉以後屬東河陽郡梁末入于蠻唐開元中為南詔蒙  
氏所據置羊苴咩城五代石晉後段氏復據之元憲宗收其地  
七年置上中下三千戶至元十一年改置理州尋省二十六年

卽中千戶立錄事司于上下二千戶置太和縣屬大理路  
點蒼山在縣西三里盤亘三百餘里唐天寶九載鮮于仲通討  
南詔進薄白崖分軍欲自點蒼山西腹背攻太和城卽此蒙氏  
封爲中嶽

葉榆水今名西洱河在縣東一曰洱海源出浪穹縣北罷谷山  
匯諸谿流經浪穹縣東又南逕鄧州東又南入縣界西受點  
蒼山十八川而爲巨浸至合江鋪合于漾濞水又逕趙州西南  
入蒙化廳界班固云葉榆縣葉榆澤在東

縣故城在今縣南十五里太和村葉榆廢縣在縣東北晉東河  
陽廢縣在縣東

史城在縣北四十里

石門在縣北七十里當洱河之首亦曰河首關

趙州

衝繁北至府六十里

有西嶺德勝門二驛

本漢葉榆雲南二縣地唐時蒙氏使趙康居此因名趙川賧置  
趙郡尋改爲州段氏時曰天水郡元憲宗七年置趙賧千戶至  
元十一年改爲趙州屬大理路

唐城在州南十九里

雲南縣

衝難西北至府一百四十里

漢舊縣屬益州郡後漢改屬永昌郡三國漢建興二年爲雲南  
郡治唐爲匡州匡川縣地後張仁果據之號白子國蒙氏改爲  
雲南州段氏因之又曰品甸元憲宗七年置品甸千戶至元十  
一年復爲州尋降爲縣屬大理路

州故城在今縣南八十里安南坡鏡州故城在縣西南勃弄故  
城在縣東一百里又晉雲平廢縣在縣東



鄧川州

疲南至府九十里

有鄧川驛

漢葉榆縣地唐置澄川州隸姚州都督府後為澄睽詔所據蒙氏併之置澄川睽尋改為德原城段氏因之元憲宗七年置德原千戶至元十一年改鄧川州隸大理路

鐘山在州北八里唐開元中澄睽酋咩羅皮據大理為南詔所攻率其部據鐘山之險以自守

德原故城在州東一名大登城唐故會州在州東

甯北城在州北三十里

浪穹縣

簡南至府一百十里

漢葉榆縣地唐初為浪穹詔所居貞元中併于南詔蒙氏置浪穹州元憲宗七年置浪穹千戶至元十一年改為縣

鳳羽山在縣西南三十里舊名烏吊山劉昭云樸榆有吊鳥山

俗言鳳凰死于此故罷鳥來弔罷谷山在縣北三十里酈道元云罷谷之山洱水出焉

漾濞水在縣西一百里自麗江府鶴慶州流入又南逕太和縣及趙州入蒙化廳界唐書姚州蠻攻蜀以鐵縷梁漾濞二水通西珥蠻築城戍之即此水也蒙氏四瀆之一

雜馬五鹽井在縣南三百里雲龍州東一里明洪武十六年建五井鹽課提舉司于此天啓中地震涵洩三井湮沒僅存金泉河邊二井

鳳羽廢縣在縣西南四十里今名鳳羽鄉

石和城在縣西北

賓川州

難西至府一百二十里

有巡檢駐赤石

漢葉榆縣地後漢屬永昌郡晉屬雲南郡唐為匡州地蒙氏為

太和楚場地段氏因之元爲太和雲南二縣及趙州地明宏治七年始置賓川州

鷄足山在州西北一百里與太和縣鄧川州接界

金沙江在州東北一百五十里自麗江府鶴慶州流入又東流入楚雄府界

雲龍州繁難東至府五百里

唐以前同賓川州蒙氏曰雲龍甸段氏因之元至元末立雲龍甸軍民府明初改爲雲龍州

蘭倉水在州東二里自麗江府流入州境有蘇溪東來注之南流入永昌府界又潞江在州西二百七十里

諾鄧鹽井在州東北四十五里置鹽課大使于此外又有石門井大井天耳井山井師井順湯井俱有鹽課大使

漢雋唐廢縣在州南比蘇廢縣在州西

十二關長官司西至府三百里

元置千戶明改長官司

乾隆府廳州縣圖志卷四十六

賜進士及第翰林院編修充 國史館纂修官 臣洪亮吉撰  
雲南布政使司

楚雄府 衝

原額軍民人丁共一萬三千七十七  
滋生不加賦丁共四千四百三十七

禹貢梁州荒裔漢益州郡地後為雜蠻所居唐初諸蠻內附置  
徭望覽邱等州隸郎州都督府天寶末入于南詔蒙氏置銀生  
節度石晉後大理段氏以其地隸姚州號當筋臉尋改白鹿郡  
後復改為威楚郡元憲宗六年立威楚萬戶府八年改威楚路  
後置威楚開南等路宣撫于此明洪武十五年改為楚雄府

府境

八到

東西距三百八十里  
南北距五百二十五里  
東至雲南府祿豐縣界一百五十五里  
西至大理府蒙化廳界二百二十五里

會孫用懃校刊

南至元江州界三百里  
北至四川鹽源縣金沙渡口界二百二十五里  
東南至雲南府昆陽州界二百三十里  
西南至景東廳界三百五十里  
東北至祿豐縣界二百五十八里  
西北至永北廳界五百八里  
自府治至京師一萬一千二十里

土貢

墨 鹽 金 銀 響石 麝香 莎羅布 越檀  
錦雞 白鵬 龍目 菩提子

管縣四州三

楚雄 鎮南州 南安州 定遠 廣通 姚州 大姚

楚雄縣

衝繁郭下 有呂合驛

唐時南詔置安州及威楚縣後為蠻所據宋段氏時屬姚州  
元初置千戶所至元十五年改置威州為威楚路治二十一年  
降為威楚縣明改為楚雄縣

碧藏山在縣西南一百二十里產銀礦開採權稅名永勝場又

鴈塔山在縣城南門內即古金礦山也

故縣及元富民廢縣在縣東淨樂廢縣在縣淨樂鄉

德江城在縣西北二里

鎮南州

衝繁東南至府七十里 有沙橋驛

漢益州郡地樸落蠻所居地名次舍川中有城曰雜和唐武德  
七年置西宗州貞觀十一年更名宗州後沒于蒙氏置石鼓縣  
又置俗富郡于此宋段氏封高氏地皆隸之元憲宗七年置欠  
舍千戶至元二十二年改為鎮南州屬威楚路明屬楚雄府  
馬龍江在州西南一百八十里一名大江自蒙化廳流入東南  
流出交趾入南海

石鼓故城在州東三十里

和子城在州東二里

南安州

難西北至府五十里

唐時為黑爨蠻所居寨名摩芻宋段氏時為高氏地元初立摩芻千戶至元十二年改為南安州明屬楚雄府

本朝康熙六年裁嶲嘉縣入州移州判駐嶲嘉

表羅山在州西南四十里一名老場雲南銀場此為最

定遠縣

簡南至府一百二十里

有新田驛

漢益州郡地蠻名曰直睽三國諸葛亮經此號為牟州唐武德四年置西濮州貞觀十一年更名孛州亦名牟州後沒于蒙氏遣爨蠻居之築城曰耐籠宋段氏時為高氏地元憲宗四年置牟州千戶至元十二年改為定遠州後降為縣

元南甯廢縣在縣南

廣通縣

衡西至府七十里

有路田捨資二驛

漢益州郡地蠻名路睽唐武德四年置尹州南詔蒙氏立路睽縣元憲宗七年立路睽千戶至元十二年改為廣通縣隸南安州明洪武中改屬楚雄府

高登山在縣東三里元時有鹽井建司于此今廢伏師山臥象

山並在縣東南俱產銀礦

姚州

繁東南至府三百四里

有普溯驛州判分駐

漢為檉棟縣屬益州郡蜀漢屬雲南郡晉成帝時為興甯郡治唐置姚城縣為姚州治天寶末入于南詔蒙氏為檉棟府治宋時大理段氏仍置姚州元為姚安路治明及

本朝為姚安府治乾隆中省姚安府以州及大姚縣屬楚雄府金沙江在州東北一百四十里自大理府賓川州流入又東逕大姚縣北入州境州境諸水皆入焉又東流入武定州元謀縣

界青蛉水在州南圖經源出三窠山西東流注金沙江應劭曰青蛉水出西東入江也

州故城及唐廢哀州在今州北瀘南廢縣在州境

大姚縣 簡東南至府三百二里

本漢青蛉縣地屬越巂郡蜀漢屬雲南郡晉咸康中改屬興寧

郡隋廢唐初置青蛉縣屬西濮州貞觀十一年改屬髳州後入

于南詔蠻名大姚堡宋段氏時屬姚州元憲宗七年置大姚堡

千戶至元中改置大姚縣

唐廢髳州在縣境廢糜州在縣西北廢徽州在縣北

武侯上城在縣馬鞍山麓

永昌府 要

原額軍民人丁共一萬五百三十一  
滋生不加賦丁共二千二十二

禹貢梁州荒裔古哀牢國漢武帝置不韋縣屬益州郡後漢永平初于縣置永昌郡治焉晉成帝時省蕭齊復置永昌郡後荒廢唐初為姚州雲南郡地後為蒙氏六節度之一徙西爨蠻居之段氏高氏皆稱永昌府元初立千戶隸大理萬戶府至元十一年置永昌州十五年升為府隸大理路二十三年又置金齒等處宣撫司于此明洪武十五年仍置永昌府又立金齒衛二十三年省府以金齒衛為軍民指揮使司嘉靖元年改為永昌軍民府

本朝為永昌府分防同知駐龍陵轄巡檢三東距府二百九十里

府境 東西距六百九十里  
南北距一千一百二十里

八到 東至順寧府界一百四十里  
西至神護關界五百五十里

南至孟定土府界八百七十里  
北至大理府雲龍州界二百五十里  
東南至順寧府界一百一十七里  
西南至天馬關界一千一百一十里  
東北至雲龍州界三百五十二里  
西北至馬面關界三百里  
自府治至京師一萬一千八百十里

土貢

金 銅 琥珀 瑪瑙 碁 蕒葉藤 時魚 漢竹  
竹 籬 香櫟 茶 芭蕉 大藥 鮮子 膽 檳榔  
藤 孔雀 叫雞 五色錦 白氈布 橙 椒 檳榔  
芋 蔗

管縣二州一安撫司一外又管羈縻土府一土州二宣撫司  
六安撫司二長官司一

保山 騰越州 永平 路江安撫司 孟定土府

灣甸土州 鎮康土州 隴川宣撫司 南甸宣撫司

千崖宣撫司 芒市安撫司 猛卯安撫司 遮放

副宣撫司 蓋達副宣撫司 孟連長官司 直隸耿

馬宣撫司

保山縣 繁難郭下

本漢不韋縣地後漢為永昌郡治晉省齊復設永安縣為永昌  
郡治不韋屬焉梁以後廢元為永昌府治明洪武十五年改為  
永昌金齒二千戶屬金齒衛正德十四年改設新安千戶嘉靖  
元年始置保山縣為永昌府治

九隆山在縣西龍泉門外十里後漢書哀牢夷婦人沙壹居牢  
山捕魚水中觸沈木有感懷妊十月產子男十人後沈木化為  
龍出水上九子驚走小子不能去背龍而坐龍因舐之其母鳥  
語謂背為九謂坐為隆因名子曰九隆

潞江舊名怒江在縣西北源出吐蕃界雍望甸西南流入阿瓦  
國界新唐書永昌故郡西渡怒江至諸葛亮城二百里蒙氏僭

封四瀆之一

漢哀牢廢縣在縣東不韋廢縣在縣境鳳谿山下  
天馬關在縣西南六百五十里邦欠山圖說與銅壁鐵壁漢龍  
虎踞馬面等關皆接緬甸界神護關接野人界

騰越州

要東至府三百六十里

有州判分駐南甸巡檢駐  
龍川江

漢益州郡地後漢永昌郡地唐貞元中南詔異牟尋逐諸蠻置  
軟化府後白蠻徙居之改騰衝府元憲宗三年府酋高救內附  
至元十一年改騰越州又置騰越縣十四年增置騰衝府二十  
五年州廢府縣如故尋又省縣入府隸大理路明洪武三十  
一年改騰衝守禦千戶所隸金齒衛正統九年升為騰衝軍民府  
指揮使司嘉靖二年改置騰越州仍置騰衝衛  
本朝康熙二十六年裁衛入州

明光山在州北三百五十里上有銀銅礦又高黎共山在州東  
一百二十里蒙氏封為西嶽

元越甸廢縣在州東北又古湧廢縣在州西一百里順江廢州  
在州南

永平縣

衝繁難西南至府一百七十里

漢益州郡地後漢置博南縣屬永昌郡晉省蕭齊復置梁以後  
廢唐時蒙氏置勝鄉郡段氏因之元初立永平千戶至元十  
一年改為縣

博南山在縣西南四十五里又花橋山亦在縣西南上有鐵礦  
蘭倉水今名瀾滄江自大理府雲龍州界流入縣西及保山縣  
東又東南流入順寧府界達車里入南海後漢書顯宗始通博  
南山度蘭倉水酈道元云水出金沙越人收以為黃金



博南廢縣在縣南江東村

潞江安撫司 東北至府一百三十里

明永樂九年置

孟定土府 西北至府八百七十里

元至元十六年立孟定路軍民總管府明洪武十五年改置孟定府

灣甸土州 西北至府二百二十里

明洪武十七年置

鎮康土州 北至府三百八十里

元至元十三年立鎮康路軍民總管府明洪武十五年改爲鎮

康府十七年改爲州

隴川宣撫司 東北至府五百里

元至元十三年置麓川路軍民總管府明洪武十七年置麓川平緬軍民宣慰使司正統十一年改曰隴川宣撫司與南甸干崖謂之三宣西南有麓川城

南甸宣撫司 東北至府三百九十里

元至元二十六年置南甸路軍民總管府明洪武十五年改南

甸府永樂十二年改州正統八年升宣撫司

于崖宣撫司 東北至府四百八十里

元至元十三年置鎮西路軍民總管府明洪武十五年改鎮西

府永樂中改長官司正統八年升宣撫司

芒市安撫司 北至府三百二十里

元至元十三年立芒施路軍民總管府明洪武十五年置芒施

府萬歷中加安撫司

猛卯安撫司

東北至府六百里

本隴川宣撫司地明萬歷十三年析置蠻莫宣撫司後為緬所據

本朝平滇順治十六年改置猛卯安撫司

遮放副宣撫司 東北至府四百里

明萬歷十二年置

蓋達副宣撫司 東北至府五百里

明正統中置萬歷九年為緬所滅

本朝平滇復置

孟連長官司 西北至府一千五百六十里

明永樂四年置正統四年其長官降于麓川萬歷十三年隴川平復置

直隸耿馬宣撫司 北至府七百二十里

明置安撫司萬歷十二年升宣撫司隸孟定府

本朝為直隸宣撫司仍羈縻于永昌府

順甯府 繁難

原額民丁共九千七百九十五  
滋生不加賦丁三千一百五十六

漢益州郡徼外地名慶甸蒲蠻居之元泰定間始內附天歷元年置順甯府及慶甸縣後省縣入府明洪武十五年仍為順甯土府萬歷二十五年設流官

本朝因之通判駐緬甯轄巡檢一北距府三百里經歷駐右甸

府境 東西距三百四十里  
南北距六百九十里

八到 東至景東廳界二百二十里  
西至永昌府灣甸土州界一百二十里  
南至猛緬長官司界三百二十里  
北至永昌府永平縣界三百七十里

東南至鎮沅州治一百五十里  
西南至耿馬土司界二百五十三里  
東北至蒙化廳治三百四十里  
西北至永昌府保山縣界二百二十六里  
自府治至京師一萬一千六百二十里

土貢 長鳴鷄 矮犬 綠鳩 脆蛇 蛤蚧 金剛纂 洪  
竹 垂絲竹 猩果 漆 棉花 訶子

管縣一州一

順甯 雲州

順甯縣 麥郭下

乾隆三十五年置

蘭倉水在縣東北七十里自永昌府東南流入與黑惠江合又  
經雲州東北入景東廳界黑惠江蒙氏所封四瀆之一即漾濞  
江下流

右甸故城在縣西南二百里慶甸廢縣在縣南八里

雲州 難西至府三十里

本古蠻地為白夷所據蠻名孟祐地名大侯寨元中統初內附  
屬麓川路明洪武二十四年置大侯長官司正統三年改大侯  
土州萬歷二十六年改為雲州  
大侯故城在州南

麗江府 要

原額軍民人丁共一萬三千五百四十五  
滋生人丁三千九百二十六

禹貢梁州荒裔漢越雋郡西徼地隋屬嵩州唐因之後入于蠻  
為越析詔南詔蒙氏置麗水節度宋磨些蠻據此元初擊降之  
置察罕章管民官至元八年改為宣慰司十三年改置麗江路  
軍民總管府二十二年府廢更立宣撫司明洪武十五年改麗  
江府三十年改為麗江軍民府

本朝仍為麗江府乾隆中又省鶴慶府入焉分防同知駐中甸  
東距府二百三十里通判駐維西西距府一百五十里

府境

入到

東西距六百七十里  
南北距七百八十九里  
東至永北廳界四百里  
西至怒夷界二百七十里  
南至麗江府界三十九里  
北至蒙番界七十五里  
東南至麗江府界二百里  
西南至怒夷界一百二十里  
東北至永北廳界三百七十里  
西北至西藏界三百里  
自府治至京師一萬一千七百六十里

土貢

鹽 金 鐵 麝香 無苾黍 犛牛 葡萄 琥珀  
滑石 自然銅 青石 花馬石 漆 海棠果  
青銅魚 榧子 石耳

管縣一州二

麗江 鶴慶州 劍川州

麗江縣

要郭下

乾隆三十五年為府治

雪山在縣西北二十里蒙氏以為北嶽

金沙江在縣東北一百五十里自永北廳流入舊巨津州又東  
南逕鶴慶州入大理府界即古繩水下流打冲河入之即古若  
水也

蘭倉水今名瀾滄江在縣西南三百里源出吐蕃鹿石山又南  
流入大理府界舊說以為黑水又潞江在縣西

元寶山故州在縣東二百四十五里故蘭州在縣西南三百六  
十里巨津故州在縣西三百里又北一百三十里有鐵橋城

鶴慶州

繁難西至府三百四十里

唐初為越析詔地天寶中屬南詔太和中蒙氏置謀統部宋時

段氏因之元初內附置鶴州至元二十三年升為鶴慶路軍民府明洪武中曰鶴慶府

本朝因之乾隆三十五年降為州與劍川州並屬麗江府

牛子山在州南一百二十里產礦

元廢副州及廢木梭州並在州境

劍川州 衝西北至府二百四十里

漢益州郡地唐時為羅魯城又名劍川顯慶初浪穹詔與南詔戰不勝走保劍川更稱劍浪治後為南詔所併置劍川節度宋段氏時改為義督驗元初置義督千戶至元中改為劍川縣明洪武十七年升為州

鹽井在州西南一百四十里為橋後井又十里為彌沙井又府境有麗江井並有鹽課大使

州故城在今州境新唐書南詔有六節度劍川其一也

望德城在州南三里

景東廳 繁疲難

有巡檢駐猛統

原額軍民人丁共五百四十二  
滋生人丁共三百四十七

隋以前同元江州唐時南詔蒙氏立銀生府于此為六節度之一尋為金齒白蠻所陷移府治于威楚白蠻遂據其地歷大理段氏莫能服元中統三年平之以所部隸威楚萬戶至元十二年置開南州明洪武中改為景東府

本朝乾隆三十五年降為廳

廳境 東西距三百四十里  
南北距四百二十七里

八到 東至楚雄府南安州界一百二十里  
西至順甯府雲州界二百二十里  
南至鎮沅州界二百九十里  
北至蒙化廳界一百三十七里

東南至鎮沅州恩樂縣界一百三十五里  
西南至順甯府界三百里  
東北至楚雄府鎮南州界一百三十里  
西北至蒙化廳界三百里  
自廳治至京師一萬一千六百里

土貢

鹽 孔雀 竹鷓 娑羅布 羊肚布 苦子淨瓶蕉  
青紙 石風丹 仙茅

蘭倉水在廳西南二百里自蒙化廳東流入與順甯府接界

磨腊鹽井在廳南二百六十里又有磨外井小井大井並產鹽

蒙化廳繁疲難 有巡檢三駐恒滄漾瀆南澗

是在人丁共八千八十五  
滋生不加賦丁一百一十六

隋以前同大理府唐初為蒙舍詔所居名蒙舍城後又名陽瓜  
州段氏改為開南縣元憲宗七年立蒙舍千戶至元十一年置  
蒙化府十四年升為路尋降為州隸大理路明正統中升為蒙  
化府

本朝雍正七年以楚雄府之定邊縣入焉乾隆中降為廳

廳境

東西距二百九十五里  
南北距二百九十五里

八到

東至大理府趙州界五十里  
西至順甯府界一百五十里  
南至順甯府雲州界一百九十五里  
北至趙州界一百里  
東南至景東廳界一百三十里  
西南至雲州界一百五十里  
東北至趙州界五十里  
西北至永昌府永平縣界一百七十里  
自廳治至京師一萬一千四百一十里

土貢

石黃 棉花 人面竹 雄黃 白藤 錦雞 沙溝  
魚

隴岬山在廳西北三十五里滇載紀蒙氏細奴邏耕于巍山之  
麓代張氏立唐貞觀三年遷居隴岬圖山築城于上又廳南一  
百五十里無量山一名蒙樂山蒙氏時嘗封為南嶽  
蘭倉水在廳西南一百五十里自順甯府境流入又漾濞江在

廳西注蘭蒼水

蒙舍故城在廳北十里元定邊故城在廳境

永北廳繁難

原額軍民人丁共二千四百二十九  
滋生人丁九百八十六

隋以前同蒙化廳唐貞元中南詔異牟尋始開置名北方睽亦  
號成偈睽又名善巨郡宋段氏時改為成紀鎮元初內附至元  
中置施州尋改北勝州後升為北勝府屬麗江路明洪武十五  
年改為州屬鶴慶軍民府二十九年置瀾滄衛以州屬之正統  
七年直隸雲南布政使司

本朝康熙五年改隸大理府二十六年裁衛入州三十一年仍  
為直隸州三十七年升為永北府乾隆年降為廳

廳境

東西距三百七十里  
南北距五百八十一里

八到

東至四川鹽源縣界三百四十八里  
西至鶴慶州界二十五里  
南至大理府賓川州界一百十三里  
北至外城黃喇嘛界四百六十八里  
東南至楚雄府大姚縣治二百五十里  
西南至大理府鄧州界八十里  
東北至西蕃界三百九十里  
西北至麗江府界一百十里  
白廳治至京師一萬一千七百五十里

土貢

麂牛 鹿茸 金 銅 鹽

管土司一

永甯土司

金沙江在城西源自旄牛徼外流入又南入麗江府界

岷峨舊城在廳南五十里岷峨村元廢順州在廳東一百二十

里葭葉廢州在廳北八十里

附徼外羈縻州

舊孟良土府在布政使司西南三十八程

舊木邦軍民宣慰使司在司西南三十五程

舊猛密宣撫使司在司西南三十三程有寶井出金礦

舊孟養軍民宣慰使司在司西南三十七程

舊鈕几長官司在司西南十六程

廣西州 衝繁雜

俱係蠻戶尚未編丁其軍舍土丁共三百七十八  
滋生人丁共一百二十四

禹貢梁州荒裔漢益州牂柯二郡地三國漢屬興古郡唐時東  
爨為烏蠻彌鹿等部居之為羈縻州隸黔州都督府後為師宗  
彌勒維摩三部所據歷蒙氏段氏皆不能制元憲宗七年內附

隸落蒙萬戶府至元十二年置廣西路明初改廣西府

本朝因之乾隆中降為直隸州州判分駐五曹

州境 東西距四百三十里  
南北距三百八十五里

八到 東至廣南府界三百里  
西至臨安府甯州界一百三十里  
南至臨安府阿迷州界一百二十里  
北至曲靖府陸涼州界一百八十五里  
東南至廣南開化二府界三百六十里  
西南至阿迷州界二百里  
東北至曲靖府羅平州界二百六十四里  
西北至陸涼州界一百里  
自州治至 京師一萬九百六十五里

土貢 雞腿竹 透明魚

管縣二

師宗 彌勒

元維摩故城在州東南三百六十里



師宗縣 簡南至州八十里 有任城驛縣丞分駐邗北

漢牂柯郡地地名匿弄甸蠻師宗據之號師宗部元初隸落蒙萬戶至元十二年置師宗千戶總把領阿甯豆勿阿盈豆吳四千戶屬廣西路二十七年改為州

本朝因之乾隆中與彌勒州並降為縣 彌勒縣 難東至州九十里 有巡檢駐竹園邨

漢牂柯郡地本名郭甸巴甸部籠之地步莫徒蠻之裔彌勒者據此因名彌勒部元初立落蒙萬戶至元中以本部為千戶總把領古輸哀惡部籠阿欲四千戶屬廣西路二十七年改為彌勒州

武定州 繁疲難 原額軍民人丁共六百三十 滋生人丁共四百一十

禹貢梁州南境漢屬越嶲益州二郡州境又為秦臧縣地三國漢屬建寧郡晉屬晉甯郡唐屬姚州天寶以後入于南詔宋瑛氏時為羅婺部元憲宗四年內附七年立萬戶府至元八年置北路總管府十二年更為武定路明初改為武定軍民府萬歷中改為武定府

本朝因之乾隆中降為直隸州以附郭和曲州省入

州境	東西距三百六十里
八到	南北距三百三十九里
	東至曲靖府尋甸州界一百二十里
	西至楚雄府姚州縣界二百四十里
	南至雲南府羅次縣界三十九里
	北至四川會理州界三百里
	東南至雲南府富民縣界四十五里
	西南至楚雄府定遠縣界八十六里
	東北至會理州界三百里
	西北至會理州界三百一十里
	自府治至京師一萬八百三十里

土貢

明礬

礪石

龍腦石

五色石斛

梭羅木

巖羊

管縣二

元謀 祿勸

金沙江在州北三百八十里自楚雄府姚州流逕元謀縣入州境又東入四川會理州界蒙氏封為四瀆之一沿江多嵐瘴行人以雨中及夜渡可無虞州境諸水皆注金沙江

鹽井有二只舊井距州一百六十里草起井距州二百里並產鹽康熙十年二井俱封閉

元和曲故城在州東十五里南甸故城在州東

諸葛城在州東二里

元謀縣 難東至州一百九十里

本漢益州郡地唐為姚州地蠻名環州又名華竹元初為治五

甸至元十六年改置元謀縣屬和曲州明屬武定府

祿勸縣

難西南至州二十里

漢益州郡地唐為羈縻宋州地蠻名洪農祿券甸雜蠻所居元至元十六年置祿勸州屬武定路

本朝乾隆三十五年降為縣

烏蒙山在縣東北二百里蒙氏封此山為東嶽

元石舊故城在縣東五里易籠故城在縣北一百八十里

元江州

繁難

有巡檢駐因遠

並係蠻戶尙未編丁

禹貢梁州荒裔漢益州郡徼外地唐時蒙氏以其地屬銀生節度置威遠賧蠻人呼州為賧宋時和泥蠻侵據其地後為步麼徒蠻阿契諸部所有元初內附尋復叛至元中遙立元江萬戶

府以羈縻之後于威遠更置元江路明洪武中改為元江府永樂初改為元江軍民府

本朝順治十八年改曰元江府乾隆中降直隸州

州境 東西距三百里 南北距二百一十里 東至臨安府石屏州界一百里 西至鎮沅州界一百里 南至車里宣慰司界一百六十里 北至楚雄府南安州界五百里 東南至交趾府老樁界一千三百四十里 西南至普洱府界四百七十里 東北至臨安府普安縣界五百里 西北至鎮沅州界四百里 自州治至京師一萬一千二百八十五里

土貢 檳榔 蘆子 萋葉 降真香 荔枝 蜜多羅 抹 猛果 蘇木 鱗蛇膽 白鵝 矮雞 黃魚 孔雀

管縣一

新平

九龍山在州西北三百里產礦名魚鳧場車里司治在山之後又州東北十里有蒙樂山蒙氏封為南嶽

明奉化故州在今州境又恭順故州在州西南一百四十里新平縣 難南至州二百里 有巡檢駐楊武垣

本營峩部地元初為營峩千戶地至元中設平甸縣屬營峩州後改平甸鄉明為丁苴白蠻夷所據萬歷十九年討平之置新平縣屬臨安府

本朝雍正十年改屬元江州

哀牢山在舊新化州西大江之外綿亘八百里為雲南最高山

明新化故城在縣西北二百里

鎮沅州 要 有巡檢駐新撫 並係蠻尚未編丁

隋以前與元江州同唐時南詔爲銀生府地其後金齒爨蠻奪之宋時段氏莫能服元時內附屬威楚路後改置按板寨屬元江路明洪武三十三年改置鎮沅州永樂中升爲府

本朝乾隆三十五年復降爲直隸州

州境 東西距三百四十里 南北距六百九十里 東至元江州界一百里 西至順寧府雲州界二百四十里 南至車里宣慰司界六百三十里 北至景東廳界六十里 東南至普洱府界八十里 西南至景東廳界三百里 東北至元江州新平縣界二百九十里 西北至蒙化廳界三百里 自州治至京師一萬二千四百五十里

土貢 鹽 孔雀 小雞 簾 南棗 莎羅布 白鴨

管縣一

恩樂

鹽井有六俱在州東南一百里波美山有按板井鹽課大使 恩樂縣 簡南至州六十里

本漢濮落蠻地唐南詔時屬銀生府地曰猛摩蠻名者烏宋段氏據之後爲阿焚諸部蠻所奪元爲馬籠他郎二甸地隸元江路明洪武末內附永樂元年置者樂甸長官司

本朝雍正五年改置恩樂縣

黑鹽井提舉 要西至布政司治 里

本定遠縣寶泉鄉其產鹽之井曰復墜井大井東井明洪武十六年置天啟元年裁

本朝復設提舉官轄鹽井及廣通縣阿陋猴井兩鹽課司康熙四十五年改直隸布政使司

琅鹽井提舉

要西至布政司治

里

亦定遠縣寶鄉地明初置琅鹽井鹽課司分屬安甯黑井兩提舉天啟三年裁鹽課司移安甯州提舉于此改為琅井提舉司屬楚雄府

本朝康熙四十五年改直隸布政司轄黑鹽井鹽課大使

白鹽井提舉

繁疲難西至布政司治六百四十里

元大姚縣地始設官提舉明屬姚安軍民府有九井並在司治前

本朝康熙四十五年改直隸布政司轄安豐白鹽兩井鹽課大使

